

第十八卷

18

19

19

獸部下品

總二十一種今疏其要者四種

猪懸蹄

足腎膽膚肚
肪膏脈附

麋角

茸附

獺肝

膾肺臍

猪懸蹄主五痔。伏熱在腸。腸癰內蝕。

疏○猪水畜也。在辰屬亥。在卦屬坎。其肉氣味雖寒。然而多食令人暴肥。性能作溼生痰。

易惹風熱。殊無利益耳。其懸蹄乃蹄甲之懸起不着地者。本經無氣味。然為鹹寒無毒之物。入手足陽明經藥也。溼熱下注。則為五痔內蝕。熱壅血滯。則為腸癰。鹹寒能除腸胃之熱。故主之也。

主治參互

食肉忌生薑 蒼朮 麥冬 參 桑葉 胡荽 梅 炒豆 牛馬肉
 羊肝 糜鹿 龜蟹 鵝 臙肉 苦連 胡荽 連
 食心 肺 忌 飴 糖 白 花 菜 吳 茱 萸
 食 肝 忌 鯉 魚 腸 魚 胎 魚 卵

得牛角、鯉、槐角子、狷皮、象牙末、金頭蜈蚣、蛙

竹屑、明礬、地榆、青黛、白蠟、治通腸漏、令漏管

自出、錢氏小兒方痘後日鬚半年已上者
一月取効、用猪懸蹄三兩、瓦瓶固濟煨、蟬蛻
一兩、羚羊角三錢、爲末、每歲一字、三歲已上
三錢、溫水服日三、

○猪四足、小寒、主傷撻諸敗瘡、下乳汁。

疏○乳屬陽明、陽明脉弱、則乳汁不通、能益
陽明經氣血、故能下乳、傷撻敗瘡、必血熱作
痛、氣寒而味甘鹹、故涼血止痛也、又煮湯爲

洗潰瘍之要藥。

主治叅互

廣濟方婦人乳無汁者、以猪蹄四枚、水二斗、
煮一斗、去蹄、入土瓜根、通草、漏蘆各三兩、再
煮六升、去滓、內葱白、豉作粥、或羹、食之、身體
微熱、有少汗出、佳、未通、再作、梅師方、癰疽
發背、乳發、初起、母猪蹄一隻、通草六分、綿裹
煮羹、食之、外科精要洗癰疽有猪蹄湯

○腎冷。和理腎氣。通利膀胱。

疏○猪腎味鹹。氣冷。能瀉腎氣。腎虛寒者不
宜食。本經主理腎氣。乃借其同氣以引導之
耳。不言補而言理。其意有在矣。腎與膀胱爲
表裏。故復能利膀胱也。今人誤認以爲補腎
恣意食之。大爲差謬。不覩日華子云。久食令
人無子。孟詵云。久食令人傷腎。其非補腎之
物明矣。

○膽主傷寒熱渴。

膽皮治目翳重者取皮晒乾作兩股繩如節大燒灰紙盛於石上出火毒然之不為五攻

疏○膽味苦氣寒。經曰熱淫於內寒以勝之。

苦以泄之。故主傷寒熱渴也。

主治參互

仲景膽導法以猪膽汁和醋少許灌穀道中

通大便神効入猪牙皂角細末二分攪勻更

速蓋酸苦益陰潤燥而瀉便也。又治少陰

下利不止厥逆無脉乾嘔煩者以白通湯加

猪膽汁主之使其氣相從無拒格之患此寒
因熱用熱因寒用之義也葱白四莖乾薑一
兩生附子一枚水三升煮一升入人尿五合
猪膽汁一合分服入雄黃末三四分蜈蚣
末二分套指縛緊治天蛇毒有效梅師方
熱病蠱蝕上下用猪膽汁一枚醋一合煎沸
服蟲立死外臺秘要湯火傷瘡猪膽調黃
檗末塗之

○膚仲景治足少陰下利、咽痛胸滿、心煩者、有猪膚湯、用猪膚一斤、水一斗、煮五升、取汁入白蜜一升、白粉五合、熬香、分服、成無已註云、猪、水畜也、其氣先入腎、解少陰客熱、加白蜜以潤燥除煩、白粉以益氣斷利也。

○肚主補中益氣、止渴利。

疏○猪肚屬土、故其味必甘、氣微溫、無毒、乃猪一身無害之物、爲補脾胃之要品、脾胃得

補則中氣益利自止矣。白華子主補虛損。蘇頌主骨蒸勞熱。血脈不行。皆取其補益脾胃。則精血自生。虛勞自愈。根本固。而五臟皆安也。

主治參互

普濟方。水瀉不止。用猪肚一枚。煮爛。入平胃散。搗丸服効。
仲景方。猪肚、黃連丸。治消渴。
用雄猪肚一枚。入黃連末五兩。栝樓根、白朮

米各四兩、知母三兩、麥門冬二兩、縫定、蒸熟、搗丸、梧子大、每服三十丸、米飲下、千金方、
溫養胎氣、胎至九月、消息、用猪肚一枚、如常、
着五味、煮食至盡、又猪肚丸、黃連一味、爲
細末、量肚大小、實之、煮令極爛、搗勻、爲丸、梧
子大、治臟毒下血、又方、治腹脹大、用烏芋
去皮、入雄肚、線縫、砂器煮、糜食之、勿入鹽、

○肪膏、主煎諸膏藥、解斑、猫茺、青毒、
反烏梅

疏○肪膏卽脂油也。味甘寒。性滑澤。能涼血解毒。潤燥。故主煎諸膏藥。及解斑。猶羌毒也。又能利腸胃。通大小便。能散風熱。療惡瘡。

主治參互

肘後方膏髮煎治女勞黃疸。見髮髮條兼能治五疸。萬氏方肺熱暴瘡。豬脂油一斤。煉過。入白蜜一斤。再煉少頃。濾淨。冷定。不時挑服一匙卽愈。

○脛一名腎脂。生兩腎中間。似脂非脂。似肉非

肉。乃人物之命門三焦發原處也。陳藏器主

脛三具

肺痿咳嗽百枚和棗肉五升浸酒服。亦能主秋者浸七日春夏五日經去渣七日服甚忌鹽疰癘羸瘦。

蘇頌主肺氣乾脹喘急。潤五藏。去皴皸黥黯

等證。蓋是甘寒滑澤之物。甘寒則津液生。滑

澤則垢膩去。故主如上諸證也。男子多食損

陽。薄大腸。其能專在去垢膩。可用以浣垢衣。

俗名猪胰子。

按猪爲食味中常用之物。臟腑腸胃咸無棄焉。然其一身除肚膏外。餘皆有毒。發病人習之而不察也。壯實者或暫食無害。有疾者不可不知其忌。故列其害於後。○肉多食令人虛肥。生痰熱。熱病後食之復發。不宜與薑同食。食則發大風病。○頭肉有病者食之。生風發疾。○腦食之。損男子陽道。臨房不能行事。酒後尤不可食。○血能敗血。損陽。服地黃何

首烏諸補藥者尤忌之。多食耗心氣。不可合
吳茱萸食。○肝餌藥人不可食。合魚鱸食。生
癰疽。合鯉魚腸子食。傷人神。延壽書云。猪臨
宰驚氣入心。絕氣歸肝。俱不可多食。必傷人。
○脾孫思邈云。凡六畜脾。人一生莫食之。○
肺不可與白花菜合食。令人氣滯。發霍亂。八
月和飴食。至冬發疽。○腎久食。令人傷腎。少
子。冬月不可食。損人真氣。兼發虛壅。○服男

子多食損陽。○膠多食動冷氣。○鼻唇多食

動風。○舌多食損心。

尿管有疝病轉暗小便不通腹脹垂死一醫曾用猪膠吹脹以銅管安上令其挿入陰孔捻膠氣吹即大便而痊

麋角甘無毒。主痺。止血。益氣力。

忌生菜 雞 雉 蝦

豆說云截為二三寸搥破酥或酒炙黃為末用。熬膏與鹿角全法。○李時珍曰鹿之茸
疏○麋屬陰。好遊澤畔。其角冬至解者。陽長

角補陽右腎精氣不足者宜之。○鹿茸之茸角補陰左腎血液不足者宜之。

則陰消之義也。為補左腎真陰不足。虛損勞

乏。筋骨腰膝酸痛。一切血液衰少為病。故主

止血益氣力。及除痺也。痺雖風寒溼合而成

疾。然外邪易入者。由氣血先虛。經絡因之壅

滯。血脈不通故也。麋角入血益陰。榮養經絡。故主之也。茸功用相同。而補陰之力更勝。

主治參互

千金方。麋角丸。補心神。安五臟。填骨髓。理腰脚。能久立。聰明耳目。髮白更黑。返老還少。麋角取當年新角。連腦頂者。不論具數。去尖一大寸。截斷。於淨盆中水浸。每夜換易。軟卽將出。削去皺皮。以鎊鎊取白處。至心卽止。以清

米泔浸兩宿、取出曝乾、以無灰酒於大甕器
中浸兩宿、其藥及酒俱入淨釜中、初用武火
煎一食頃、後以文火微煎、如蟹眼、柳木不住
手攪、時時添酒、以成膏爲度、煎時皆須平旦、
下手不得經宿、仍看屑如稀膠、卽以牛乳五
升、酥一升、以次漸下、後項藥、另以麋角炙令
黃爲末、檳榔、通草、秦艽、肉蓯蓉、人參、兔絲子、
甘草、各一兩爲末、將膠再煎一食頃、似稀粥

卽止火、投諸藥末、和勻、約稠黏、堪作丸、傾出
衆手一時丸、梧子大、空腹酒下三十丸、日加
一丸、至五十九爲度、日二服、至一百日、忌房
事、服經一月、腹內諸疾自相驅逐、有微利勿
怪、服至二百日、面皺光澤、一年齒落更生、強
記、身輕、二年令人肥飽、少食、不老、神仙合時
須在淨室、勿令陰人雞犬孝子等見、楊氏
家藏方、二至丸、補虛損、生精血、去風溼、壯筋

骨用鹿角鎊細以真酥一兩無灰酒一升慢
火炒乾取四兩麋角鎊細以真酥二兩米醋
一升慢火炒乾取四兩蒼耳子酒浸一宿焙
半斤山藥白茯苓黃耆蜜炙各四兩當歸五
兩肉苁蓉酒浸焙遠志人參沉香各二兩五
味子一兩通爲末酒煮糯米糊丸梧子大每
服五十九溫酒鹽湯任下日二服

簡誤

陽氣衰少。虛羸畏寒者。勿用。肉多食。令人弱房。

獺肝味甘有毒。主鬼疰蠱毒。却魚鯁。止久嗽。燒服之。

疏○獺水中之獸也。本經味甘有毒。藥性論鹹微熱無毒。詳其功用。應是鹹勝甘劣。微溫小毒之物。入肝入腎之藥也。經曰邪之所湊。其氣必虛。虛損勞極。則五臟之神俱不安。鬼

邪相挾而爲病。久嗽者亦勞極所致。水不勝火。火氣上炎。肺爲賊邪所干也。鹹味潤下。俾火氣下降。則肺自清。總之此藥能益陰氣。補虛損。保勞極。故主如上諸證也。甘鹹善於解毒。故又主蠱毒。獺性嗜魚。故能却魚鯁也。大抵其功長於治傳尸勞。及鬼疰邪惡有效。故張仲景治冷勞有獺肝丸。崔氏治九十種蠱疰。傳尸骨蒸。伏連。殭。諸鬼毒癘疾。有獺肝

丸皆妙。

主治參互

同盧會乾漆象膽青黛胡黃連啄木鳥頭狐
脾虎胃丹砂天靈蓋治傳尸勞能殺勞蟲

孟詵尸症一門悉患者獺肝一具燒水服方
寸七日再葛洪尸症鬼症乃是五尸之一
又挾諸鬼邪爲害其病變動乃有三十六種
至九十種大畧使人寒熱沉沉默默不知病

之所苦而無處不惡。積月累年，淹滯至死死。後傳人，乃至滅門，覺有此候，惟以獺肝散服之，有效。法如上，除傳尸勞證外，無他用，故不著簡誤。

膈臍味鹹無毒。主鬼氣尸疰。夢與鬼交。鬼魅。狐魅。心腹痛。中惡。邪氣。宿血結塊。疰瘕羸瘦。名一

海狗腎。雷云。此物多偽者。與者有一對。則兩重。薄皮裹丸核。其皮上有肉黃毛三莖。共一穴。壅潤常如新。或置睡犬旁。其犬忽驚跳。若狂者。真也。與水鳥龍似。以此別之。凡用。酒浸一宿。紙裹。

炙香。到或酒煎熟合藥。

疏○膾膈海獸也。得水中之陽氣。故其味鹹。無毒。藥性論大熱。李珣甘香美。犬溫。其味與獺肝相似。第其氣倍熱耳。所主鬼氣尸疰。夢與鬼交。鬼魅狐魅。心腹痛。中惡邪氣者。蓋因真陽虛。則神明不振。幽暗易侵。故諸邪惡纏疰爲病。此藥專補陽氣。則陰邪自辟。所以能療如上等證也。鹹能入血軟堅。溫熱能通行。

消散。故又主宿血結塊及痲癩羸瘦也。近世
房術中多用之。以其鹹溫入腎。補虛煖腰膝。
固精氣。壯陽道也。

主治參互

同陽起石、肉蓯蓉、巴戟天、兔絲子、山茱萸、鹿
茸、能壯陽道、益精、和劑局方有膾肭臍丸
治諸虛勞損、鬼疰邪惡、夢與鬼交、精氣乏絕
等證。

簡誤

膾肭臍性熱助陽爲腎氣衰竭精寒痿弱之
要藥然而陰虛火熾強陽不倒或陽事易舉
及骨蒸勞嗽等候咸在所忌

禽部三品

總五十六種今疏其要者四種

雞烏骨雞

雞冠血

肝抱出卵殼

雞屎白

雀卵雄雀屎

天鼠屎

白鴿

諸雞

忌蒜 芥子末 葱

糯米 李

魚汁 犬肉

兔肉

獺肉 鱈魚

鯉

食雞子全忌

疏○按雞為陽禽屬木而外應乎風故在卦

爲異。其色雖有丹白黃烏。其種復有烏骨之
異。總之性熱。補陽。起陰。兼有風火之義。惟烏
骨者別是一種。獨得木木之精。故主陰虛發
熱。蓐勞崩中等證也。

簡誤

雞性熱動風。凡熱病初愈。癰疽未潰。素有風
病。人咸忌之。弘景云。小兒五歲以下。食雞生
病。至誠下雞備五色者。黑雞白雞者。六指者。四指者。雞死忌不仲直者。並能殺人。不可食。四月
勿食。伏通雞者。令人作癰或漏。瘋疾人不可食雞。瘡毒出膿血者。食雞成癰。
蛇蟲雞肉不可合葫芥李食。不可合犬肝犬

腎並令人洩痢。同兔食成痢。同魚汁食成心
瘕。同鯉魚食成癰癤。同獺肉食成遁尸。同生
葱食成蟲痔。同糯米食生蛇蟲。年久老鷄腦
有大毒。食之能發疔。中其毒發疔者。以玉樞
丹丸可解。

○烏骨鷄味甘平無毒。主補虛勞羸弱。消渴。中
惡鬼擊。心腹痛。益產婦。治女人崩中帶下。一
切虛損諸疾。

疏○烏骨鷄得水木之精氣。其性屬陰。能走
肝腎血分。補血益陰。則虛勞羸弱可除。陰回
熱去。則津液自生。渴自止矣。陰平陽秘。表裏
固密。邪惡之氣不得入。心腹和。而痛自止。鬼
亦不能犯矣。益陰則衝任帶三脉俱旺。故能
除崩中帶下。一切虛損諸疾也。古方烏骨鷄
丸。治婦人百病者。以其有補虛益陰入血分
之功也。

主治參互

古方烏骨鷄丸治婦人產後蓐勞及陰虛等證方中半夏人參乃立方者之誤宜去之

用骨一具煨存性同紅藥子白及白斂冰片雄黃朱砂乳香沒藥醋蜜調傅一切癰疽腫毒神效治中惡心腹痛欲死但殺白烏骨鷄乘熱薄心卽瘥如鬼擊卒死用其熱血塗心下亦妙

○鷄冠血主乳難。用三年老雄者。取其陽氣充溢也。凡風中血脈。則口角僻喎。冠血鹹而走血透肌肉。故以之治中風口喎不正。塗頰上効。丹雄鷄爲陽禽。冠血乃諸陽之所聚。故能治中惡客忤邪氣。高武痘疹正宗云。雞冠血和酒服。發痘最佳。雞屬巽屬風。頂血至清。至高故也。

皆效方對口毒瘡熱雞冠血頻塗之取散
青囊襍纂中蜈蚣毒舌脹出口是也雄雞冠
血浸舌并咽之勝金方諸蟲入耳雞冠血
滴入卽出

簡誤

痘瘡須分寒熱雞血性溫天行瘡子虛寒者
得之固可資其起發倘因血熱而乾枯焦黑
者誤用之能更轉劇世人類用雞血桑蠶蟲

發痘而不分寒熱誤也。

○肝主起陰氣。

疏○肝本經主起陰氣。性溫可知。味甘微苦。入足厥陰少陰經。今人用以治小兒疳積。眼目不明者。取其導引入肝。氣類相感之用也。

主治參互

同蕪荑、使君子、胡黃連、青黛、五穀、蟲穀、精草、
蘆會治小兒疳熱、目生障翳、千金方陰痿

不起。用雄雞肝三具，兔絲子一升，為末，雀卵和丸，小豆大，每五六十九，酒下，日二服。

○尿白微寒。主消渴、傷寒、寒熱、破石淋、及轉筋。

利小便。止遺溺。滅癥瘕。

雄鷄屎乃有白臘月收之白鷄烏骨者更

良素問作雞矢

疏○雞屎白微寒。乃腸胃所出之物。故復能走腸胃治病。素問云：心腹滿，且食不能暮食。名為鼓脹。治之以雞矢醴一劑，知二劑已。王

太僕註云、本草雞矢並不治蠱脹。但能利小便。蓋蠱脹皆生于溼熱。溼熱脹滿則小便不利。雞屎能通利下泄。則溼熱從小便而出。蠱脹自愈。故曰治溼不利小便。非其治也。本經主石淋。利小便。止遺溺者。正此意耳。轉筋者。血熱也。傷寒寒熱。及消渴者。熱在陽明也。癢痕者。血熱壅滯肌肉也。寒能總除諸熱。故主之也。日華子炒服。治中風失音痰迷。陳藏器

和黑豆炒酒浸服。治賊風風痺。蓋風為陽邪。因熱而生。雞屎寒能除熱。雞本與風木之氣相通。取其治本從類之義也。

主治參互

食米成瘕好食生米以吐清水者以白雞屎全白者半合全炒為末以水調服效
普濟方雞矢醴治鼓脹且食不能暮食用臘

月乾雞矢白半斤袋盛以酒醅一斗漬七日

溫服三盃日三或為末服二錢亦得積善

堂經驗方治一切肚腹四肢腫脹不拘鼓脹

氣脹溼脹水脹等用乾雞矢一升炒黃以酒
 醅三碗煮一碗濾汁飲之少頃腹中氣大轉
 動利下即自脚下皮皺消也未盡隔日再作
 ○雞子主除熱火瘡癩瘵卵白微寒療目熱赤
 痛除心下復熱止煩滿欬逆小兒下洩婦人
 產難胞衣不出醃漬之一宿療黃疸破大煩
 熱

疏○雞子稟生化最初之氣如混沌未分之

形故卵白象天。其氣清。其性微寒。卵黃象地。其氣濁。其性微溫。卵則兼清濁而爲體。其味甘氣平無毒。凡癰瘰皆火熱爲病。雞子之甘能緩火之標。平卽兼涼能除熱。故主癰瘰及火瘡。并治傷寒少陰咽痛神効。

主治參互

醫方集成年深哮喘。雞子略敲損浸尿缸中。三四日。煮食能去風痰。又方用頭生雞卵。

七枚童便浸七日取出煮熟每日食一枚永
不出痘 仲景苦酒湯治少陰病咽中傷生

瘡痛不能語言聲不出者用半夏十四枚碎

鷄子一枚去黃內入半夏苦酒令滿置刀環

中安火上令三沸去滓少少含嚥之不瘥更

作此方有神効 普濟方咽塞生瘡乾嘔頭

痛食不下法同上無半夏 經驗秘方湯火

燒灼雞子清和酒調洗勤洗止痛生肌 普

濟方塗面駐顏雞子一枚開孔去黃留白入
金華臙脂及桑礪少許紙封與雞抱之俟別
卵抱出以塗面洗之不落半年尚紅也 仲
景方治少陰病得之二三日以上心中煩不
得臥者用黃連黃芩芍藥阿膠雞子黃先煎
三物成去滓膠烱盡小冷雞子黃攪勻溫服
劉禹錫傳信方亂髮雞子膏治孩子熱瘡
効見髮髮條下

○抱出卵殼研末磨障翳取其蛻脫之義也蘇
頌又主傷寒勞復熬令黃黑爲末熱湯和一
合服取汗出卽愈炒研細傅下疳亦妙卵中
白皮主久欬氣結得麻黃紫苑和服之立止
○臍脰裏黃皮微寒主洩利小便利遺溺除熱
止煩

疏○此卽臍內黃皮一名雞內金是也臍是
雞之臍乃消化水穀之所其氣通達大腸膀

腕二經有熱。則洩痢遺溺得微寒之氣則熱除。而洩痢遺溺自愈矣。煩因熱而生。熱去故煩自止也。今世又以之治諸疔瘡多效。

主治參互

醫林集要小便淋瀝痛不可忍雞肫內黃皮五錢陰乾燒存性作一服白湯下立愈。子母秘錄鵝口白瘡雞肫內黃皮爲末乳服半錢并可傳之。經驗方走馬牙疳雞肫內黃

皮不落水者五枚。焙存性。枯礬一錢。研細搽。并治陰頭疔蝕。

雀卵。味酸溫。無毒。主下氣。男子陰痿不起。強之令熱。多精有子。

忌李 楊

疏○雀屬陽。其氣溫。味酸。其性滌。故能入下焦陰分。能補煖兩腎。夫人身兩腎。左爲腎。右爲命門。左屬水爲陰。右屬火爲陽。天非此火不能生物。人非此火不能有生。又云。陽生則

陰長。可見命門真陽之氣。乃人身生化之本也。故命門衰敗。則陰痿精寒。絕化育之道。雀卵性溫。補煖命門之陽氣。則陰自熱。而強精自足。而有子也。溫主通行。性又走下。故主下氣也。弘景云。術家。和天雄。服之。令莖大不衰。孟詵云。和天雄。兔絲子。末爲丸。空心酒下。五丸。治男子陰痿。女子帶下。便溺不利。除疝瘕。以其有溫煖命門之功也。肉味甘溫。功用不

及卵。

○雄雀屎療目痛。決癰癩。女子帶下。溺不利。除

疝瘕。

一名白丁香。一頭尖者是雄。兩頭圓者是雌。凡用研細。甘草水浸一宿。焙乾用。

疏○雀屎本經無氣味。察其所主。應是辛苦

溫之物。性善消散。故外用療目痛。決癰癩。內

服治帶下。溺不利。疝瘕也。蘇恭以首生男子

乳研雀屎成泥。點目中弩肉。赤脉貫瞳子者。

卵。有神功。蓋取其辛故。爰出火毒之義也。

子母秘錄小兒中風口噤乳不下雀屎丸如
麻子大服二丸卽愈梅師方諸癰癤已成
膿不肯決懼鍼者塗雀屎瘡頭卽易決普
濟方喉痺乳蛾白丁香二十箇以沙糖和作
三丸每以一丸綿裏含嚥卽時遂愈甚者不
過二丸極有奇效

簡誤

雀肉及卵、陰虛火盛者忌之。不可合李食。妊婦食雀肉飲酒。令子多淫。凡服木人忌之。雀屎療目痛。非風熱外邪者不宜用。女子帶下。溺不利。屬腎虛有火者並忌之。古方同天雄服。此藥性極熱。有大毒。非陰臟及真陽虛。憊者慎勿輕餌。

天鼠屎。味辛寒。無毒。主面癰腫。皮膚洗洗時痛。

腹中血氣。皮寒熱積聚。除驚悸。去面黥。一名夜

疏○天鼠夜出喜食蚊蚋故其屎中海出細

李時珍云以水淘去灰土惡穢取細砂晒乾用

沙皆未化蚊蚋眼也所以今人主明目治目

盲障翳取其氣類相從也其味辛寒乃入足

厥陰經藥本經所主諸證總屬是經所發取

其辛能散內外結滯寒能除血熱氣壅故也

然主療雖多性有專屬明目之外餘皆可略

主治參互

聖惠方青盲障翳夜明沙一兩栢葉炙一兩

爲末牛膽汁和丸梧子大每夜臥時竹葉湯
下二十九 又方五瘡不止夜明沙末每冷
茶服一錢立効并治胎前瘡除目疾外他用
甚稀故不立簡誤

白鴿味鹹平無毒肉主辟諸藥毒及人馬久患
疥又云煖無毒調精益氣治惡瘡疥并風瘙白
癩癰瘍風

疏○白鴿稟水金之氣故其味鹹氣平無毒

腎藏精。腎納氣。肺主皮毛。鹹入腎。故能調精。
益氣。平則兼辛入肺。故能主惡瘡疥。及白癩。
癰瘍風。凡毒藥之性多熱。鴿得金水之氣。故
又能辟諸藥毒也。其屎名左盤龍。亦能主人
馬疥瘡。

主治參互

食鑿心鏡。治消渴。飲水不知足。用白花鴿切
作小片。以土蘇煎。含之。嚙汁。滯江方。預辟

痘毒用白鴿卵一對入竹筒封置廁中半月
取出以卵白和辰砂三錢丸菘豆大每服三
十丸豆子飲送下毒從大小便出也保命
集破傷中風病傳入裏用左盤龍白殭蠶各
炒半錢雄黃一錢爲末蒸餅丸梧子大每服
十五丸溫酒下取效聖惠方頭痒生瘡白
鴿屎五合醋煮三沸杵傳之日三上又方
頭瘡白禿鴿糞研末先以醋米泔洗淨敷之

簡誤

鴿本經雖云調精益氣其用止長於去風解
毒然而未必益人故孟詵云食多減藥力今
世勞怯人多畜養及煮食之殊未當也